

奉天通志

沿革
四角之四

奉天通志卷五十四

沿革四

統部四 遼

遼爲東京道並分得上京道中京道地

東京道

東京遼陽府

福城 東平郡 天

遼史地理志

以下簡稱遼志

東京遼陽府太祖神冊四年葺遼陽故城

以渤海漢戶建東平郡爲防禦州天顯三年遷東丹國民居之

升爲南京城名天福高三丈有樓樓幅員三十里八門東曰迎

陽東南曰韶陽南曰龍原西南曰顯德西曰大順西北曰大遼

北曰懷遠東北曰安遠宮城在東北隅東至北烏魯虎魯克四

百里南至海邊鐵山八百六十里西至望平縣海口三百六十里北至挹婁縣范河二百七十里東西南三面抱海天顯十三年改南京爲東京府曰遼陽轄州府軍城八十七統縣九

又本紀太祖三年正月幸遼東神冊三年十二月幸遼陽故城四年二月修遼陽故城以漢民渤海實之改爲東平郡置防禦使六年十二月詔徙檀順民於東平太宗天顯三年十二月遷東丹民以實東平升東平郡爲南京會同元年十一月升南京爲東京

武經總要

前集
十六下同

東京秦屬遼東郡漢屬幽州契丹得其地爲

東京岳州在其東卽李勣所平白岳州也東至熟女眞界約五百里西至遼河百五十里又八百八十里至中京北至瀋州百

二十里東南至鴨綠水九百里西南至錦州四百里東北至黃龍府七百里西北至顯州三百里

大清一統志

三十九

遼陽故城今遼陽州治遼置今州乃遼金之

遼陽也

按遼之東京遼陽府卽今遼陽縣治觀武經總要所紀里到

卽知不待考定也惟遼陽之名起於漢之遼陽縣應在今遼

陽之北而今遼陽則爲漢之襄平縣亦卽遼東郡治也

清統志考

辨最斷已見漢代

考唐以前稱今遼陽或曰遼東城或曰襄平城或

遼東郡故城無稱爲遼陽者然唐人詩中嘗以遼陽二字泛指遼東之地如十年征戍憶遼陽是也然實爲遼人以遼陽稱遼東城所自出近人吳承志謂唐破高麗置安東都護府

後徙治遼東郡故城以高藏爲遼東都督藏謀反後建府易名遼陽尋諸舊迹都護府後徙之遼東郡故城卽遼志之遼

陽故城

賈耽道里記考實

此文所說甚晰頗耐尋味雖於高藏建遼

陽府之說尙無明徵然以遼陽名遼東城亦猶以遼陽汎指遼東之義必不始於遼代觀遼史本紀始稱幸遼東繼稱幸遼陽故城則以遼陽名遼東城當始於唐之中葉又因吳氏所說可推而知之矣

又按東丹國之天福城卽爲今遼陽城其東北隅之宮城遺址猶存

遼志東京遼陽府本朝鮮之地所居平壤遼東京卽此唐高宗平高麗於此置安東都護府後爲渤海大氏所有都曰忽汗

州州卽故平壤城也號中京顯德府太祖攻渤海拔忽汗州以爲東丹國神冊四年葺遼陽故城天顯三年遷東丹國民居之按吉林通志云考唐安東都護府本在平壤上元三年徙遼東郡故城卽今遼陽州治據後徙之區猶指爲初治之所不知其相去已五百餘里其誤一忽汗州以河得名唐書所載甚確自當爲上京地乃指爲平壤城其誤二中京上京自是兩地乃以忽汗州爲顯德府合爲一區其誤三顯德府在上京之南自當在長白山北乃引而寘之平壤之地何止謬以千里其誤四據賈耽道里記自鴨綠江口東北行千二百餘里乃至顯州正當今吉林之南乃又推之遼水以西廣寧之東方隅不辨其誤五且州爲王都自當附府乃府在襄平而

謂州在醫巫閭山蓋以遼之顯州爲渤海之顯州牽引附會不顧其妄其誤六旣認遼陽城爲東丹國又曰葺遼陽故城遷東丹國民實之然則東京本平壤忽汗州卽平壤之語又作何解數行之中忽東忽西忽分忽合使人眩惑不知適從其誤七遼志疏謬不可枚舉而於東京尤甚今據唐書傳志詳爲辨之此文考辨最晰可謂昭若發矇矣

又按遼以渤海故州縣南徙而仍其舊名而遼史不著其徙置之故其中頗多違誤茲間爲考辨於後

遼志駐蹕山唐太宗征高麗駐蹕其巔數日勒石紀功焉俗稱手山山巔平石之上有掌指之狀泉出不竭

遼史蕭孝穆傳太平九年大延琳以東京叛孝穆敗之於手山

北

契丹國志^十天慶六年高永昌軍馬抵首山門

按手山卽首山一稱馬首山魏司馬懿征公孫淵唐太宗征高麗皆至是山惟太宗之駐蹕山應在安市城外不得以首山當之契丹國志之首山門卽東京之西門由此門而至首山故名

遼陽

遼陽府附郭縣

仙鄉

遼陽府屬縣

遼志仙鄉縣本漢遼隊縣神仙傳云仙人帛仲理能煉神丹點黃金以救百姓

按明統志仙鄉縣卽漢遼隊縣在海城西六十里蓋比附得

之未可深信

鶴野

上同

遼志鶴野本漢居就縣地渤海爲雞山縣昔丁令威家此去家千年化鶴來歸集於華表柱以硃畫表云有鳥有鳥丁令威去家千年今來歸城郭雖是人民非何不學仙塚纍纍

按明統志鶴野廢縣在都司城西八十里不知何據若爲漢居就縣故地則應在今遼陽南說詳漢代居就縣下

又鳴江行部志謂析木縣附近有雞山此或爲徙置渤海故縣因而得名析木縣在今海城東亦與在遼陽之語相應

析木

上同

遼志析木縣本漢望平縣地

大明一統志五十二析木廢縣在海州衛東南四十里本漢望平

縣地

按此卽今海城東南四十里之析木城又屬銅州廣利軍詳後

紫蒙同上

遼志紫蒙縣本漢鏤方縣

大清一統志紫蒙廢縣在遼陽州東

按盛京疆域考謂在今新民縣境與清統志異

興遼同上

遼志興遼縣本漢平郭縣

方輿紀要遼東都司興遼城在司西南遼曰興遼縣屬遼陽府金廢

按興遼縣若爲平郭故地則應在今蓋平附近不得屬遼陽府遼志所說前代某縣多不足據

肅慎

上同

遼志肅慎縣以渤海戶置

歸仁

上同

順化

上同

按以上三縣盛京疆域考謂皆在今奉天府境而未詳其所
在

開州

遼志開州鎮國軍節度本濊貊地高麗爲慶州渤海爲東京龍
原府有宮殿都督慶鹽穆賀四州事故縣六曰龍原永安烏山

壁谷熊山白楊皆廢疊石爲城周圍二十里唐薛仁貴征高麗
與其大將溫沙門戰熊山善射者於石城卽此太祖平渤海徙
其民于大部落城遂廢聖宗伐新羅還周覽城基復加完葺開
泰三年遷雙韓二州千餘戶實之號開封府開遠軍節度更名
鎮國軍隸東京留守兵事屬東京統軍司統州三縣一
遼史本紀開泰七年五月皇姪宗熙鎮國軍節度使
金史本紀太祖收國元年遼天慶五年十二月夾谷撤喝取開州
又天輔元年正月開州叛討平之

武經總要開州塞

遼一作

主東討新羅國都其城要害建爲州仍

曰開遠軍西至來遠城百二十里西至吉州七十里東南至石
城六十里

遼東志一開州城遼陽城東三百六十里卽今鳳凰山堡四面
石崖峭壁東北二門城隨山鋪砌可容十萬衆唐太宗駐蹕於
此

大清一統志

九十

開州故城卽今鳳凰城

按渤海置東京龍原府於今琿春之地渤海王曾一都之規
模頗壯其云疊石爲城周圍二十里者指龍原故府而言也
府領四州而慶州居首遼徙慶州於今鳳城而易名爲開州
其曰故縣六卽慶州之領縣其曰太祖應作太宗徙其民城遂廢
者謂東京南徙而城廢也遼志敘次未晰故易使人迷罔一
經分疏則瞭然矣

又按方輿紀要以開州在咸興府西北此爲遼志本濊貊地

一語所誤如在咸興西北則在朝鮮與吉林交界之處爲渤海龍原府之故地謂在未徙置前則可謂遼之開州則不可也

開遠

開州屬縣

遼志開遠縣聖宗東討置

鹽州

開州屬州

遼志本渤海郡故縣四海陽接海格川龍河皆廢隸開州相去一百四十里

武經總要鹽州三韓之地舊有城邑置兵防制新羅諸國又有小鹽州相去八十里東至保州西至海卽海北小鹽州

按鹽州本渤海故州遼徙置於距開州一百四十里之地故

城所在已不可考楊氏遼地理志圖置於大洋河西則在今
莊河境其云故縣者渤海鹽州之屬縣也迨南徙後州存而
縣廢下放此

穆州

同上

遼志穆州保和軍刺史本渤海郡故縣四會農水岐順化美縣
皆廢隸開州東北至開州一百二十里統縣一

按此亦渤海故州應在今鳳凰城東南一百二十里之地楊
氏遼地理志圖則置小洋河東

會農

穆州屬縣

按渤海穆州之故縣凡四迨南徙後併爲一縣仍其附郭之
故名曰會農

賀州

開州屬州

遼志賀州刺史本渤海郡故縣四洪賀送誠吉理石山皆廢隸

開州

按亦渤海故州州徙而屬縣俱廢

辰州

遼志辰州奉國軍節度渤海改爲蓋州又改辰州井邑駢列最爲衝會隸東京留守司統縣一

按唐太宗攻拔蓋牟城因置蓋州其地在今遼陽之東北而

遼志謂辰州卽高麗蓋牟城此以渤海改爲蓋州一語比附得之非其實也然遼於何時置辰州則無考餘說詳金代蓋

州下

奉天通志
卷五十四
建安

辰州屬縣

遼東志建安縣蓋州城西南隅遼置今爲營舍

康熙盛京通志

二十

古建安縣在今縣城之西南

按此卽高麗之建安城遼蓋因其地而置辰州說見唐代

盧州

遼志盧州立德軍本渤海郡故縣五山陽杉盧漢陽白巖霜巖
皆廢在京東一百三十里統縣一

按盧州爲渤海故州屬中京顯德府遼徙置於今熊岳城今
熊岳城在今遼陽西南相距三百里而此在京東一百三十
里其方隅里到皆不合吉林通志謂此渤海盧州之至中京
顯德府之里到也理或然歟

鐵州興湯崇
四州俱同